

05 OCT 1996

PM RASMI PERSIDANGAN PERWAKILAN NASIONAL GERAKAN

KUALA LUMPUR, 5 Okt (Bernama) -- Datuk Seri Dr Mahathir Mohamad pagi ini merasmikan persidangan perwakilan kebangsaan parti Gerakan yang berlangsung buat pertama kalinya di bangunan baru parti itu, Menara PGRM, di sini.

Ketibaan Perdana Menteri yang juga pengerusi Barisan Nasional disambut oleh presiden Gerakan Datuk Seri Dr Lim Keng Yaik dan ahli-ahli jawatankuasa pusat parti itu.

Yang turut hadir pada majlis perasmian itu ialah Setiausaha Agung Umno Datuk Mohamed Rahmat dan ketua-ketua parti komponen BN termasuk presiden MCA Datuk Seri Dr Ling Liong Sik dan presiden MIC Datuk Seri S.Samy Vellu.

Persidangan itu dihadiri oleh 1,265 anggota perwakilan yang juga akan memilih jawatankuasa baru untuk penggal 1996/99.

Pergerakan Pemuda dan Wanita Gerakan mengadakan persidangan masing-masing semalam. -- BERNAMA

TM MAI